

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	09-04-2024		
Org. jed.	Kl. ozna.	Red. broj	Br. priloga
01	11	955/24	

Broj: 02-11-856/24-AP-3
Datum: 04.04.2024. godine

GRADSKO VIJEĆE ZAVIDOVIĆI
n/r PREDSJEDAVAJUĆI GRADSKOG VIJEĆA
Admir Fojnica, prof.

PREDMET: Informacija o realizaciji značajnih infrastrukturnih projekata
vodosnabdijevanja prostornih cjelina Pašin Konak i Rujnica, dostavlja se

U prilogu akta dostavljam Vam Informaciju o realizaciji značajnih infrastrukturnih projekata vodosnabdijevanja prostornih cjelina Pašin Konak i Rujnica.

Informaciju o realizaciji značajnih infrastrukturnih projekata vodosnabdijevanja prostornih cjelina Pašin Konak i Rujnica sa obrazloženjem i zaključkom gradonačelnika, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-11-856/24-AP-4
Datum: 04.04.2024. godine

Na osnovu člana 11. Poslovnika o radu Kolegija Općinskog načelnika („Službeni glasnik Općine Zavidovići“, broj: 1/2017), Kolegij Gradonačelnika Zavidovići na 14. sjednici održanoj 04.04.2024. godine razmatrao je Informaciju o realizaciji značajnih infrastrukturnih projekata vodosnabdijevanja prostornih cjelina Pašin Konak i Rujnica, te nakon rasprave Gradonačelnik donosi

ZAKLJUČAK

1. Utvrđuje se Informacija o realizaciji značajnih infrastrukturnih projekata vodosnabdijevanja prostornih cjelina Pašin Konak i Rujnica, koju je pripremila Služba za upravu privrede, lokalni razvoj, infrastrukturu i međunarodnu saradnju.
2. Informacija o realizaciji značajnih infrastrukturnih projekata vodosnabdijevanja prostornih cjelina Pašin Konak i Rujnica sa obrazloženjem dostavlja se Gradskom vijeću Zavidovići na razmatranje.
3. O realizaciji ovog Zaključka starat će se Stručna služba gradonačelnika.

Dostavljeno:

1. Gradsko vijeće Zavidovići,
2. U spis.

GRADONAČELNIK

doc. dr. Hašim Mujanović



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-11-856/24-AP-2
Datum: 04.04.2024. godine

INFORMACIJA
o realizaciji značajnih infrastrukturnih projekata vodosnabdijevanja
prostornih cjelina Pašin Konak i Rujnica



Broj: 02-11-856/24-AP-2
Datum: 04.04.2024. godine

GRADSKO VIJEĆE
ZAVIDOVIĆI

PREDMET: Informacija o realizaciji značajnih infrastrukturnih projekata
vodosnabdijevanja prostornih cjelina Pašin Konak i Rujnica

A) VODOVOD PAŠIN KONAK

Projekat vodosnabdijevanja prostorne cjeline Pašin Konak sačinjen je u fazama za svaki od sedam rezervoara i za iste su izdate dozvole za građenje kako slijedi: rezervoar R-1 07.03.2018. godine, rezervoar R-2 07.03.2018. godine, rezervoar R-3 24.02.2022. godine, rezervoar R-4 14.12.2020. godine, rezervoar R-5 14.12.2020. godine, rezervoar R-6 15.05.2020. godine i rezervoar R-7 15.05.2020. godine. Zbirna projektantska vrijednost investicije za svih sedam rezervoara iznosi 1.888.407,04 KM sa uračunatim PDV-om.

Za projekat distributivne mreže dozvola za građenje je ishodovana 26.02.2024. godine.

Početak realizacije investicije je 2020. godine, kada je izgrađen rezervoar R2/PS2 zapremine $V=100\text{m}^3$ i zatvaračka komora u kojoj su smješteni hidroinstalacije i komplet oprema za pumpnu stanicu PS2. Realizovana vrijednost radova je iznosila 209.758,17 KM, a sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2019. godinu u iznosu 174.927,27 KM i Budžeta Grada Zavidovići u iznosu 34.830,90 KM. Radovi su izvođeni u 2020. i 2021. godini od strane preduzeća GP „HELDOVAC“ d.o.o. Žepče.

Također u toku 2020. godine izvršena je izgradnja rezervoara R1/PS1 sa dvije rezervoarske komore $V=2 \times 100 \text{ m}^3$. Realizovana vrijednost radova je iznosila 172.712,98 KM, a sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2019. godinu u iznosu od 159.858,02 KM i Budžeta Grada Zavidovići u iznosu od 12.816,45 KM. Radovi su izvođeni u 2020. godini od strane preduzeća „Porobić“ d.o.o. Zavidovići.

U toku 2021. godine pokrenuta je izgradnja rezervoara $V=50 \text{ m}^3$ sa pumpnom stanicom – R4/PS3 i dovršetak elektro i montažnih radova na rezervoaru $V=2 \times 100 \text{ m}^3$ sa postojećom pumpnom stanicom - R1/PS1. Realizovana vrijednost radova je iznosila 201.649,50 KM, a sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2020. godinu. Radovi su izvođeni u 2021. i 2022. godini od strane preduzeća GP „Heldovac“ d.o.o. Žepče.

U toku 2022. godine ugovorena je izgradnja rezervoara R5 $V=2 \times 100$ m³, tj. dvije zasebne komore po $V=100$ m³, kao i zasebna zatvaračka komora. Ugovorena vrijednost radova je 119.295,50 KM, a isti se finansiraju iz sredstava Federalnog ministarstva finansija sa pozicije „Kapitalni transferi drugim nivoima vlasti i fondovima – KANTONI I OPĆINE“ - Sufinansiranje od strane Vlade F BiH Odlukom o raspodjeli sredstava utvrđenih budžetom Federacije BiH za 2021. godinu.

Takođe, u toku 2022. godine ugovoreni su radovi na dovršetku radova na rezervoaru R5, dovršetku mašinskih i hidroinstalacija u postojećoj pumpnoj stanici PS 1 i izgradnji dijela potisnog cjevovoda R1-R2 u dužini od 210 metara. Ugovorena vrijednost radova iznosila je 162.793,48 KM. Sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2021. godinu u iznosu od 100.000,00 KM i Budžeta Grada Zavidovići u iznosu od 62.793,48 KM.

Radove za oba ugovora koji se odnose na izgradnju rezervoara R5 izvodilo je preduzeće „POROBIĆ“ d.o.o. Zavidovići. Početak radova na izgradnji rezervoara R5 su kasnili zbog rješavanja problema pristupnog puta za koji je bilo neophodno provesti poseban postupak javne nabavke. Radovi su okončani u 2023. godini.

U toku 2023. godine ugovoreni su i radovi na izgradnji rezervoara R3 - $V=100$ m³ u iznosu od 104.284,79 KM. Sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2022. godinu u iznosu od 65.000,00 KM i Budžeta Grada Zavidovići u iznosu od 39.284,75 KM. Izvođač radova bilo je preduzeće GP „HELDOVAC“ d.o.o. Žepče. Radovi su okončani u 2023. godini.

U 2023. godini ugovoreni su radovi na izgradnji rezervoara $V= 50$ m³ sa pumpnom stanicom R6/PS4 u iznosu od 105.300,00 KM. Sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2023. godinu. Radovi su trenutno u toku, a izvođač je preduzeće „DŽEVKOMERC INŽENJERING“ d.o.o. Zavidovići. Okončanje radova se očekuje do polovine mjeseca maja 2024. godine.

Takođe, u 2023. godini ugovoreni su radovi na izgradnji rezervoara $V= 50$ m³ R7 u iznosu od 97.110,00 KM. Sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2023. godinu u iznosu od 91.482,00 KM i Budžeta Grada Zavidovići u iznosu od 5.628,00 KM. Radove će izvoditi preduzeće „DŽEVKOMERC INŽENJERING“ d.o.o. Zavidovići, a početak istih je prolongiran do ishodovanja sertifikata o deminiranju pristupnog puta.

Okončanjem radova na rezervoarima R6 i R7 završava se izgradnja rezervoara i pumpnih stanica, te dalje slijede radovi na izgradnji potisnih vodova odnosno spajanja rezervoara.

Početak marta 2024. godine objavljena je javna nabavka za izgradnju 1.245 metara potisnog cjevovoda između rezervoara R1/PS1 – R2/PS. Procijenjena vrijednost javne nabavke iznosi 179.549,00 KM a isti će se finansirati iz sredstava Federalnog ministarstva finansija sa pozicije „Kapitalni transferi drugim nivoima vlasti i fondovima – KANTONI I OPĆINE“ - Sufinansiranje od strane Vlade F BiH Odlukom o raspodjeli sredstava utvrđenih budžetom Federacije BiH za 2023. godinu u iznosu od 100.000,00 KM i Budžeta Grada Zavidovići u iznosu od 79.549,00 KM.

Takođe, u 2024. godini planirano je da se putem Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2024. godinu finansira izgradnja 1.285 metara potisnog cjevovoda rezervoar R2/PS2 - R3 u procijenjenoj vrijednosti 150.000,00 KM.

Od početka realizacije projekta vodosnabdijevanja prostorne cjeline Pašin Konak izvedeno je radova u vrijednosti 970.494,42 KM, dok je u fazi izvođenja ili je ugovoreno 202.410,00 KM vrijednosti radova, što ukupno čini iznos od 1.172.904,42 KM. Planirano ulaganje u izgradnju potisnog cjevovoda R1/PS1 – R2/PS i R2/PS2 - R3 u 2024. godini iznosi cca. 329.549,00 KM. Za okončanje izgradnje ostatka potisnih cjevovoda R3 – R4/PS3 dužine 3.240 m1, R4/PS3-R5 dužine 1.110 m1; R5-R6/PS4 3.710 m1 i R6/PS4-R7 880 m1 u narednom periodu neophodno je obezbijediti oko 1.050.000,00 KM.

B) VODOVOD RUJNICA

Projekat vodovoda Rujnica projektovan je u dvije faze. Faza I projekta obuhvata priključno okno, glavni dovod do priključnog okna, rezervoar V=50m³ sa pumpnom stanicom, potisni vod do rezervoara V=100m³ i rezervoar V=100m³. Dana 28.09.2021. godine, za izgradnju Faze I pribavljena je dozvola za građenje. Projektantska vrijednost investicije iznosi 254.984,17 KM sa uključenim PDV-om.

Faza II projekta obuhvata distributivnu mrežu, rezervoar V=100m³, rezervoar V=30m³ i dvije prekidne komore V=10m³. Za istu još uvijek nije ishodovana dozvola za građenje zbog rješavanja imovinskopravnih odnosa. Projektantska vrijednost investicije iznosi 1.337.053,02 KM sa uključenim PDV-om.

U 2022. godini pokrenuto je fazno izvođenje radova igradnji vodovoda Rujnica – Faza I. U prvoj podfazi Faze I izgrađena je pumpna stanica sa rezervoarom V=50 m³. Ugovorena vrijednost radova je 87.223,50 KM, a izvođač radova je GP „Heldovac“ d.o.o. Žepče. Finansijska sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2022. godinu u iznosu od 61.258,00 KM i iz Budžeta Grada Zavidovići u iznosu od 25.965,50 KM. Radovi su realizovani u 2023. godini.

Takođe, 2023. godini ugovoreni su radovi na drugoj podfazi Faze I ugovoreni su radovi na izgradnji priključnog okna, izgradnji 280 m1 glavnog dovoda od priključnog okna (PO) do pumpne stanica sa rezervoarom V=50 m³ (PS), završetak radova na pumpnoj stanici V=50 m³ i izgradnja rezervoara V= 100 m³. Ugovorena vrijednost radova je 211.847,51 KM, a izvođač radova je GP „Heldovac“ d.o.o. Žepče. Finansijska sredstva su obezbijedena od Ministarstva za poljoprivredu, šumarstvo i vodoprivredu ZDK iz sredstava za realizaciju kapitalnih projekata drugim nivoima vlasti iz oblasti komunalne infrastrukture ZDK za 2023. godinu u iznosu od 200.000,00 KM i iz Budžeta Grada Zavidovići u iznosu od 11.847,51 KM. Za realizaciju ovog ugovora preostalo je još da se okončaju radovi na rezervoaru V=100 m³, a koji su u podmakloj fazi i njihov završetak je planiran do polovine mjeseca maja 2024. godine.

U toku 2024. godine planirano je da se putem Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2024. godinu finansira izgradnja 1.240 metara potisnog cjevovoda do pumpne stanica sa rezervoarom V=50 m³ (PS) do rezervoara V=100 m³ u procijenjenoj vrijednosti 100.000,00 KM čime bi bila okončana Faza I projekta.

Realizacija Faze II izgradnje vodovoda Rujnica uslovljena je rješavanjem imovinskopravnih odnosa kako bi se ishodovala dozvola za građenje. Trenutno projektno rješenje će morati pretrpjeti određene izmjene da bi se izbjegle sporne parcele u imovinskopravnom smislu, te će ovaj projekat morati ponovo proći proceduru utvrđivanja javnog interesa. Očekivana vrijednost Faze II iznosi 1.738.168,93 KM sa uključenim PDV-om.

C) OSTALI PROJEKTI

Grad Zavidovići je takođe u prethodnom periodu izvršio značajna ulaganja u sljedeće vodovode:


- a) Izgradnja vodovoda Rasječenica - Brezik, ukupna investicija u periodu 2012 – 2023. godina iznosi 744.255,51 KM. Projekat okončan.
- b) Rekonstrukcija i izgradnja vodovoda Vozuća, ukupna investicija u periodu 2013 – 2023. godina iznosi 534.393,27 KM. Projekat okončan.
- c) Izgradnja vodovoda Gornji Sinanovići – priključak na vodovod Suha, ukupna investicija u periodu 2020 - 2023. godina iznosi 64.742,57 KM. Za okončanje ovog projekta Grad Zavidovići planira izvršiti ulaganje cca. 45.000,00 KM u 2024. godini.
- d) Proširenje sistema vodosnabdijevanja Paravci, Marušići i Fojnice, ukupna ulaganja u periodu 2020 – 2023. godina iznosi 101.543,51 KM. Za okončanje ovog projekta neophodna su sitna ulaganja 1.500,00 – 2.000,00 KM koja se odnose na spajanje na gradsku vodovodnu mrežu, a što će biti realizovano do kraja mjeseca maja 2024. godine.
- e) Izgradnja vodovoda Bajvati, Beše i Žioke – spoj na gradsku vodovodnu mrežu, ukupna investicija u periodu 2022. – 2023. godina iznosi 186.453,89 KM. Izgrađena je pumpna stanica V=20 m³ i rezervoar V=100 m³. U toku 2024. godine u planu je izgradnja gravitacionog vodovoda do pumpne stanice procjenjene vrijednosti 130.000,00 KM.


ZAKLJUČNA RAZMATRANJA


U narednom periodu neophodno je da Grad Zavidovići svoj fokus usmjeri na realizaciju projekata vodosnabdijevanja prostorne cjeline Pašin Konak i vodovod Rujnica.

Grad Zavidovići će iskoristiti sve mogućnosti za apliciranje ovih projekata prema višim nivoima vlasti kao i ostalim donatorima.

Takođe, u narednom periodu neophodno je izvršiti značajnije uvećanje budžetskih sredstva za objekte vodovoda i kanalizacije a kako bi vodni projekti od značaja za Grad Zavidoviće ubrzano bili privedeni kraju.

Obradio: 
(Almir Mustafić)

Kontrolisala: 
(Džeraldina Miličević)

GRADONAČELNIK
doc. dr. Hašim Mujanović




**Komisija za budžet, finansije i
ekonomska pitanja**

Broj: 01-11-955/24-AP-2

Datum: 22.04.2024. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – prečišćeni tekst („Službeni glasnik Grada Zavidovići“, broj: 7/22 i 1/23), Komisija za budžet, finansije i ekonomska pitanja na 28. sjednici održanoj dana 22.04.2024. godine, razmatrala je Informaciju o realizaciji značajnih infrastrukturnih projekata vodosnabdijevanja prostornih cjelina Pašin Konak i Rujnica, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Informaciju o realizaciji značajnih infrastrukturnih projekata vodosnabdijevanja prostornih cjelina Pašin Konak i Rujnica.
2. Informacija o realizaciji značajnih infrastrukturnih projekata vodosnabdijevanja prostornih cjelina Pašin Konak i Rujnica, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike

